

尊白堂集

詳校官右中允_臣薩敏

主事_臣呂雲棟覆勘

謄錄監生臣嚴續曾

欽定四庫全書

尊白堂集卷四

宋 虞儔 撰

五言排律

贈總領韓郎中四十韻

玉帛修和好邊隅久晏寧
狼貪素谿壑鯨浪忽滄溟
江漢危航葦關河失固扃
兩淮先齟齬四海漸凋零
稍喜呻吟地重霑廟社靈
帝方恢祚運公合在朝廷
故國非喬木聞詩飽過庭
經綸一門事風采四夷聽
共喜難兄

第于今尚典刑陵雲臨北固雪涕陋新亭清切郎官宿
光輝使者星深源觀出處李泌盛年齡人傑今為用天
驕盍暫停大韶弦白羽雄劍發新硎貔虎三千士芻糧
十萬艫少須姿宿飽作氣上青冥傳檄收天府偏師下
井陘子遺新雨露幽蟄待雷霆命服期三錫腰環擁萬
釘歸來覲旒冕早晚煥丹青伊昔蒙傾蓋隨羣預掣鈴
初筵叨禮數接武奉儀型載酒桃花浪尋詩杜若汀一
斑窺豹管什襲換鵞經深汲無長綆洪撞僅寸筵違離

念芝宇開落幾堯冥生計春冰薄先疇露葉暝抱經羞
畫虎娛老託原鵠忝竊空黃甲衰殘類白丁塵生悲破
甌晨起問儲餅孤宦徒為爾長饑未遽醒地寒誰援接
途遠更伶俜咽絕空堦蚓微茫腐草螢逮今施刻畫猶
得振毛翎幕府今多士我冠總寧馨暴鱗呼斗水病顙
憶林垞薄用收雞肋微功蓄絺苓真成能肉骨坐待脫
拘囹自是權輿地宜深肺腑銘寧聞量如海不受一浮
萍

金定四庫全書
卷四
代鞏使君上東宮生日

儲極天開秀皇圖日又新夢熊初卜夜禡燕蚤祠春瑞
靄蓬萊殿祥標析木津準龍真帝子眉宇只天人少海
涵輿地前星耀紫宸英姿生不世雄畧動如神仁孝蘭
同毓溫恭玉比純雲章輝步障月御契重輪堯歷占冀
英莊年數大椿千齡符會慶五福自天申鶴禁移舟夕
龍樓問寢晨慈顏俱有喜習俗盡還淳湛露溥金菊涼
風動白蘋好秋澄似洗函夏肅無塵羽翼商山老簪纓

望苑賓歡呼稱壽筆諧讌接芳裊景邑曾開幕郎垣偶
濫巾不才蒙眊昧何力贊彌綸符竹分茗水才華想洛
濱歌詩形善祝秉筆愧徐陳

往天目祈雨

伏謁三池上難窮一壑幽萬山從此起衆水盡分流暑
雨雖愆夏陰風鎮若秋天高還有目地險好回頭御府
金奩賜仙壇鐵板投不須憂旱魃直是起潛蚪聖主思
霖切微臣盡日留精誠三禱罷神聽一聞不霧霈斯為

澤遲回恐作羞奉常司典禮秋報敢忘優

自雲門還泛若耶溪入鏡湖寄院中諸公

山中秋賞罷溪上晚歸時

謝良弼

出谷秦人望經湖謝客

期

呂渭

日斜愁路遠風橫畏舟遲

鄭藥

章句懷文友途程問

檝師

嚴維

淺沙游蚌蛤危石起鷗鷺

裴冕

落葉飛孤戍橫塘

向古祠

允初

行行多逸興無處不相思

蕭幼和

和漢老弟南坡三十韻

北闕書休上東山妓不携宦情元夢鹿交道只黃鸝

成懷桐汭星回直攝提

原註庚寅罷廣德校官
歸方得此坡邑人奚氏

雙鳬方

欲下隻履又還西塵土慙書劍江山識杖藜青冥甘蹭

蹬素手孰提撕笑幕空巢燕憐藩幾觸羝茲坡何爽塏

造物復推擠蕭寺鐘聲遠坊門酒旆低日行無遠近脚

力免攀躋更喜經前圃何妨過小溪煙林輕曳練雲岫

近橫梯井邑千家麗川原四望迷披榛通曲逕鋤麥亂

疏畦梅杏增奇觀牛羊失舊蹊道傍知苦李霜後認紅

梨植竹行抽笋栽楊蚤秀稊霞蒸桃處處露怨草淒淒

紅白宜相間高卑未得齊壺漿旁舍乞飯裏小童齋著
屐應同謝登仙不羨倪芳菲催羯鼓早晚暎棖題葵綠
新含露芹香舊煮泥鴻賓天外去鳩婦雨中啼密蔭真
堪託安枝可以栖應須回俗駕未肯厭家雞蜂識花前
酒鴉隨隴上犁角看童子卅齒見老人齟齬節蓮為社
梁侯梯覓禪問渠何所見公子豈知拙

林子長錄舊詩來覓酒因送似之

酒者忘憂物難教與願違未能聊爾耳時復一中之全

醉無乘墜偏醒有是非
兵厨那可戀州紱屢交馳
莫訝臺無餽相逢蓋有時
留髡從昔慣舍蓋有誰知
短棹能來往經年慰別離
何嘗有此客了事笑癡兒

代黃仲本賀趙漕

嶽鎮凝華久天潢析派初
長庚秋入夢佳氣夜充閭
奕葉蘭同茂懷珠玉不如
詞章賀白右經術向歆餘
已近長安日聊登使者車
著鞭先禁路儲寶鎮皇居
家世曾重席王門昔曳裾
彈冠慚似續入幕借吹噓
願獻長生

籙何須鴻寶書黑頭須兩地玉帶擁金魚

七言排律

和潘簿食筍詩

平生愛竹幾成癖到處成陰已足嘉
瀟灑未輸彭澤柳檀欒偏映杜林花
園林日日饒春事紅紫紛紛盡歲華
清節抱萌初入眼金盤當饋莫搖牙
從渠燕頤誇千尺還我鼈竿是一家
須信直鉤終有用渭川元不釣煙霞

五言絕句

新聞東軒夜間月色滿牀可愛簡耘老弟

偃息飛簷下開軒適向東滿床今夜月只欠與君同

和姜總管感秋七首

年華紛代謝時態幾沉浮天末涼風起何人不感秋

已是詩成集

原註郡齋今有梅山詩集

何妨酒拍浮人生不行樂空

惜鬢驚秋

向道鱸魚美須渠太白浮李鷹歸未得空憶五湖秋
柏寺官聯謬萍蹤宦海浮向來茗雲夢罪我亦春秋

故里經年別虛舟盡日浮有書誰與寄目送鴈橫秋

窓暗燈花結簾疎露氣浮晚來城上角吹斷一天秋

原註

是日十

月旦

詩到齊梁後名多李杜浮誰能追正始蟋小豈知秋

雨過

處處村舂急家家晚爨煙青山映丹杏過雨轉嫣然

南坡雜興

寒食無多日梨花又一春鹿門山下路真有姓龐人

七言絕句

轎中疲甚作絕句

謝雨還如禱雨時
籃輿頓撼不勝疲
兩回往返千餘里

祿馬交馳恐應之

原註術者謂余今年
祿馬馳恐有遠役

歸途轎上口占

三尺蒼頭佩酒壺
籃輿穩度白氍鋪
憑誰為把無塵筆

畫取先生看雪圖

和主簿郁同年